

Badische Landesbibliothek Karlsruhe

Digitale Sammlung der Badischen Landesbibliothek Karlsruhe

**Meditationum evangelicarum pars secunda, hoc est:
Solida, ad descendam & exercendam, ex evangeliis tam
dominicalibus quam festivalibus Christi & sui-ipsius
notitiam, informatio**

Creide, Hartmann

Francofurti ad Moenum, 1682

Exegesis

[urn:nbn:de:bsz:31-126164](#)

In Die Festo Protomartyris Stephani.

Gloria in Excelsis Deo. Hodie rubicundus estratione persecutionis, quam non modo ipse multifariam sustinuit: sed & ab exordio mundi, omnes qui ad eum pertinent, experti sunt, adhuc experiuntur, & porro experientur. Regula enim universalis est: Omnes qui pie vivere volunt, in Christo Je-su, persecutionem patientur, 2. Tim. 3, 12.

Nos sine ulteriori præloquio ad Evangelium ipsum nos conferemus, tractaturi ex eodem:

I. Αὐθεωπολογιαν sive notitiam nostri.
II. χριστιανογνωσιαν sive notitiam Christi.

J.J.

Exegetis.

Stephanus significat coronam, sic nomen & solum habet. Coronatus siquidem erat, præclaris donis à Deo. Sicuti etiam Act. 6, v. 8. seqq. describitur, fuit plenus fide, h. c. non modo Christum cognovit ratione personæ & officii, fiduciamque suam in eo unique collocavit: sed & donis miraculosis instructus, propterea à populo celebratus fuit. Hoc male habuit Antisitites Hierosolymitanos, ideoque studiosos quosdam de Synagoga, quæ appellatur Libertinorum & Cyprenensium, & Alexandrinorum, & eorum, qui erant à Cilicia & Asia instigarunt, ut disputationem cum Stephano: at non poterant resistere sapientiæ & spiritui, quo loquebatur.

Sic dignus fuisset Stephanus, ut aurea corona redimitus, & in summo honore habitus fuisset: Verum primus fuit, qui ob Evangelicam veritatem in Ecclesia N. T. interfectus est, ideo Hieronymus cum *primitias Martyrum* & Augustinus *primicerium*, qui alii viam straverit, & faciem prætulerit, appellavit.

Hoc ipso ex parte impletum est, quod Servator noster optimus de cruce, tribulatione & persecutione fidelium suorum, præcipue vero verbi ministrorum prædictis, in prælecto Evangelio inquiens: Ecce, ego mitto ad vos Prophetas & Sapientes, & Scripturas: & ex illis occidetis & crucifigetis, & ex eis flagellabitis in Synagogis vestris, & persequimini de civitate in civitatem.

Notitiam nostram hic discemus, si spectavimus:

I. *Christi amorem*, quem hoc ipso erga nos demonstrat, dum legatos suos, qui pro colegatione funguntur, tanquam Deo exhorte per eos, 2. Cor. 5, 20. ad nos ablegat. Ecce, ego mitto, inquit, ad eundem modum sicut apud Jeremiam dixerat: Dabo vobis pastores juxta cor meum, & palcent vos scientia & doctrina, c. 3. v. 15.

Hic velim probeste, mi Christiane! an hoc unquam gratamente agnoveris, Deoque tuo gratias debitas egeris?

Non dubium est, quin aliqui pii occurrant, qui quod officii sui est, observant: Sed & multi inveniuntur, qui non putant, illos legatos Dei esse, & à Christo mitti, juxta illud: Qui vos audit, me audit: & quivos spernit, me spernit, Luc. 10, 16. alias promptius iisdem obsequerentur, & verba eorum acciperent, non ut verbum hominum: sed ut vere est verbum Dei, 1. Theis. 2, 13.

Quia vero hoc ipsum à plurimis non fit, facile constat, quod illimi nisi propter verbi, ejusdemque præcones non pro legatis Dei existent. Plurimi enim dicunt: manda, remanda, Isa. 28, 10. nec judicantem Spiritum S. ferre volunt, Gen. 6, 5. hinc illi queri co-guntur: Quis credit auditui nostro? Es. 53, 1.

Quando peccata & flagitia debito zelo ta-xantur: quando ad sobriam, piam & justam

vitam admonentur, præfracte dicere amant: Quis ostendit nobis bona? Psal. 4,7. Quod si vero crederent, præcones verbi Dei legatos esse, & qua loquuntur, quasi sermones Dei loqui, 1. Petr. 4,11. non modo auditores sed & factores verbi forent, Jac. 1,22. considerantes, quod verbum quod auditur, non vero factis demonstratur, cōgravius damnet Luc. 12,47. & ejusmodi homines judicaturū sit dienovissimo, Joh. 11,48.

Genuini Christiani fidelitatem Servatoris, quam hoc ipso Ecclesia exhibet, grato animo agnoscere, & videre debent, ne in vacuum gratiam Dei receptorint, 2. Cor. 6,1. Alias non dicet Christus: Ego mitto: sed ego aufero judicem, & Prophetam & senem, Esa. 3,2. Amos. 8,11. Ut queri teneamus: signa nostra non vidimus, jam non est amplius Propheta, Ps. 24,9. vñ nobis, quia peccavimus, Thren. 5,16. Nolite errare: Deus non irridetur, Gal. 6.v.6.7.8.

II. *Judeorum furorem.* Ex illis ait Servator, occidetis & crucifigetis, & ex eis flagellabitis in synagogis vestris, & persequemini civitatem in civitatem.

Hæc nefanda ingratitudo est, quam legati Christi & verbi præcones à mundo impio expectandam habent. Imprimis notatu dignum est, quod Servator non per gradationē à minoribus afflictionib. ad majores ascendi: sed à majoribus incipit, & meminit,

1. *Trucidationis*, quod nonnullos occident & crucifigent, h.e. per omnis generis ignominiosā & inauditā tormenta ē medio sublaturi sint, cuius in Stephano initium fecerunt, Act. 7,59.

2. *Flagellationis*, in synagogis suis, qua Apostoli affecti sunt, Act. 5,10.

3. *Relegationis*, quod eos persecuturi sint de civitate in civitatem: sicut Johannes Ev-

angelista anno ætatis 85. jussu Imperatoris Domitiani, ex urbe Ephesina in Pathmum relegatus est, Apoc. 1,9.

Hanc methodum diabolus semper servavit. Nonne sub persecutionibus Imperatorum gentilium, sanguis Christianorum, qui variis modis impie trucidati sunt, copiosissime effusus est? Quia vero Tyranni tandem deprehendebant, hoc ipso se parum efficeret, sanguinem vero profusum, Ecclesiam tantum fœcundare:

Nam velut in sylvis decisa repullulat arbor

Et multi ex una veniunt radice nepotes:

Sic quoque surgebant uno de funere centum.

Ut Prudentius hac de re scribit. Tandem occisionis pertæsi, flagellarunt eosdem, & ad lapidinas, & alios Herculeos & ignominiosos labores adhibuerunt, donec tandem in proscriptione, & relegatione in exilium, desierunt.

Eadem fabula à B. Lutheri temporibus, in regno Pontificio acta est. Testis est Gallia, testis est Belgium, testis est Britannia, in quibus instinctu Pontificis multa millia vere fidelium innocenter trucidati sunt. Postquam vero meretrix Babylonica ebria facta est, de sanguine Sanctorum, & de sanguine martyrum Jesu, Apoc. 17,6. chordas remissius intenderunt, donec cō res rediit, ut quidem orthodoxi non occiduntur, sed solum vertere & in exilium ire jubeantur, sēpe ante occasum solis, vel aliud spatium præscriptum, relictis ut plurimum omnibus substantiis, & quod miserandum est, carissimis pignoribus atque liberis. Hæc nihil aliud, quam mors lenta, quæ paulatim hominem & quotidie quasi morti tradit, 1. Cor. 15,22.

Iii ubi

In die Festo Protomartyris Stephani.

434

ubi interim cum Elia suspirare tenetur: Sufficit nunc, Domine, tolle animam, 1. Reg. 19. v. 4.

Hic examinante, mi Christiane! utrum & ipse animo ejusmodi maligno & sanguinario in verbi praecones quandoque affectus fuoris?

Equidem tantam tyrannidem, qua Iudei legatos Dei prosequuti sunt, non est, quod hodie illi ab Auditoribus suis pertiment. Sed spiritualiter adhuc hodie fit, dum inveniuntur, qui pastores suos odio habent, ut Achab Micham, 1. Reg. 22. v. 7. tales coram Deo homicidae sunt, 1. Joh. 3. v. 15. sive calumniis cosdem onerant, iis in locis, ubi animadvertisunt, id ipsis exitio fore, sicut Doeg Abimelechum ita fugillavit apud Saulem, ut morte multatus fuerit, 1. Sam. 22. v. 9. id scriptura lingua percutere vocat, Jer. 18. v. 19. sive crucifigunt ipsis, de die in diem animam justam inquis operibus cruciantes, 2. Pet. 2. v. 8. sive imminunt mensuram, & augent sicutum, & supponunt stateras dololas, Amos. 8. v. 5. h.c. novas excoigitant usuras & vectigalia, quibus res annonaria difficultior redditur, & verbi ministri cum Praeceptoribus scholarum iisdem implicantur, ut bonam salarii sui partem in curiam deferre tencantur. Id in lingua Romana, flagellare annonam vocant: Et si rem recte expendas, grave sane flagellum est, quod multis lacrymas exprimit, Sir. 35. v. 25.

Sed & non adeo rarum est, ut illi, si nimis liberaliter flagitia reprehendant, plane ab officio removeantur, & in exilium mittantur, sicut Amasis ad Amos dixit: Heus tu videns, abi, fuge in terram Iuda: & comedere ibi panem, & prophetabis ibi, Amos 7. v. 12.

Verum ut olim David contumeliam servorum suorum graviter vindicavit, 2. Sam. 10. v. 4. Sic & Deus servorum & legatorum suorum opprobria severissime vindicaturus est, quibus ipse Iesus & injuria affectus est.

III. *Innocui sanguinis valorem.* Id faciet, inquit Christus, occidendo, crucifigendo, flagellando, & persecundo: ut veniat super vos omnis sanguis justus, qui effusus est super terram, à languine Abel justi, usque ad sanguinem Zacharia, filii Barachia, quem occidistis inter templum & altare.

Hæc verba horrenda lunt.

Iudei tempore Christi, neque Abelem, neque Zachariam filium Barachiam occiderant: sed dum ante factum fuerat. Et tamen, quia vestigiis majorum suorum infestabant, & Prophetas Dei persecabantur, hoc ipso eos non modo reatum sanguinis à se effusi, sed & quod à majoribus suis dum profusum erat, incurtere, Servator aspergiverat. Visitat enim Deus iniquitatem patrum in tertiam & quartam generationem, Exod. 20. 5. Hoc non exclusive intelligentum est, quasi pena in tertia & quarta generatione definire debet: Sedut Chrysostomus monet, ideo fit mentio tertie & quartae generationis, quia neque ad tertiam & quartam progeniem eorum, quorum imitantur vitam, filii parentum possunt videre. Quando vero nepotes porro vestigiis parentum infestunt, & non modo turpitudinem eorum adæquant: sed & nequiores evadunt, dum mensuram impleverint, ut Iudei fecerunt, poena quoque eosdem comittatur, & vindictam exercet in eos, qui peccatorum rei facti sunt. Deus enim odit peccata odio aeterno, eaque vindicat, ubicunque offendit, sive in parentibus, sive liberis, sine personarum respectu, Ps. 5. 5. Hic

Hic inspicias velim te & probes, an fortassis & ipse in juventute quid intriveris, quod liberis tuis jam excedendum est?

Nemo hic se facile purgare & dicere poterit: Purus sum à peccato, Prov. 20. v.9. Sanguinem quidem innocentem non puto, quenquam effudisse: interim tamen *coram Deo oculis, non sine reatu sanguinis sumus*, sed cum Davide dicere teneatur; Libera me de sanguinibus Deus, Ps. 51, 16. nec dubito, quin ad sint, qui proximum falso detulerint, ut ille in magnum malum, vel etiam in vita discrimen adductus sit, sicut Judas cum Christo ita egit, Matth. 26. 15.

Quotorum sunt, qui peccarunt ut Onan, Gen. 39, 9. sive fœtum in utero laeserunt, Exod. 21, 22. aut dormientes oppresserunt infantes, 1. Reg. 3, 20. aut proximum fame interire siverunt, cum tamen juvare eundem potuissent? Hi omnes sanguinis rei facti sunt. Qui enim fratrem suum viderit necessere habere, & clauscrit viscera sua ab eo, homicida est, 1. Joh. 3, 17.

Qui igitur se reun hic deprehendit, causam habet cum Davide Deo suppliciaadi: Domine delicta juventutis meæ, & rebellionis meam, ne memineris, Psal. 25, 7. 8.

Nisi hoc fiat, Deus peccata parentum in liberis visitat, ut illi conqueri cogantur. Patres comedunt uram acerbam, & dentes filiorum obstupuerunt, Jer. 31, 29. Ideo apostolus cavendum est, ne loco benedictionis maledictio filii relinquatur, quod sit, si audire nolimus vocem Domini Dei nostri, hinc illæ lacrymæ! Deut. 28. v. 15. & seqq.

De Secundo.

Pergemus nunc ad alteram partem, *χριστογνωσίαν*, sive *notitiam Christi*, contemplaturi. Hic nobis meditandus proponitur:

1. *Tanquam ministerii fundator.* Ecce, enim, inquit, ego mitto ad vos, Prophetas, & Sapientes, & Scribas. Hoc in specie de Apostolis intelligendum est, uti Luc. 11. v. 49. explicatur. In genere vero de omnibus fidelibus verbi præconibus dictum est, usque ad diem novissimum, qui ordinaria vocatione gaudent, & à Christo mittendi sunt, si officio suo cum fructu præesse debeant. Ideo enim in cœlos ascendit, ut Ecclesia porro præset, & quosdam quidem daret Apostolos, quosdam autem Prophetas, alios vero Evangelistas, alios autem pastores: usque ad diem extremum, Eph. 4, 11.

Vocat autem verbi præcones, quos misfurus est

1. *Prophetas*, non hoc sensu, quod tanquam Prophetæ V. T. futura prædicere debeant, hi enim usque ad Johannem modo prophetarunt, Matth. 11, 13. sed ideo vocat eos Prophetas, quia sermoni propheticō insistunt, 2. Pet. 1, 19. & nihil extra dicunt, quam ea, quæ Prophetæ locuti sunt futura esse, & Mōses, Act. 26, 22. quo prophetia eorum sit, secundum rationem fidei, Rom. 12. v. 6. Quamvis multa quoq; prædixerint, ut Paulus de Antichristo, 2. Thess. 2, 3. De illusoribus, qui ante diem novissimum prodibunt, 2. Pet. 3, 3. & in specie, de conditione Ecclesiarum, sicut Johannes in Apocalypsi, quæ partim impleta sunt, partim vero suo tempore implebuntur, quæ pater posuit in potestate sua, Act. 1, 7.

2. *Sapientes*, qui verbum veritatis recte secare possunt, 2. Tim. 2, 15. & sciunt, quando canticum Mōsi & canticum agni cantare debeant, Apoc. 15, 3. ut de thesauro suo proferant vetera & nova, sicut doctus patrifamilias, Matt. 13, 52. quo pauperes evangelizentur, Mat. 11, 5. Impiis vero, qui rarius